

6524





由拳集卷之二十

東海屠隆長卿著

祭文

祭陳主事文 代作

余聞之莊生莫大於秋毫而泰山為小莫壽於殤子而彭祖為天此何以故夫昧者之言泰山之與秋毫奚翅大也彭祖之與殤子奚翅壽也斯不可同日語矣若達者眎之即六合一坯也萬期一瞬也而其間泰山以坯土稱大彭祖以數百稱壽不





亦陋哉泰山大矣而與秋毫同限彭祖壽矣而與  
殤子同盡又惡取大小壽天於其間哉余觀蓬蒿  
之士繩樞甕牖藜羹糗餌至窮悴也而死尊官大  
人位列王侯身都將相華軒朱第錦衣玉食赫奕  
一時貴倨於世無雙也而亦死迨其丘壠累累松  
楸陰翳白日色慘蕭條以風即蓬蒿之士與王侯  
將相俱銷沉淪埋化為異物至黯不可辨余念此  
未嘗不心惻惻動矣而營世攫物之情且令瞿然  
頽化焉嗟乎陳先生尚奚言哉方先生待詔公車

通藉金閨分 天子咫尺之符出宰大邑賢聲四  
馳何盛也既進列鳩署為 天子司刑於內漸登  
華要榮寵矣方將奏功名當世拱手取卿相之位  
以上報 明天子而下以光其九族而多口且奪  
先生去矣千里之駿一蹶不起先生歎且奈何歸  
而樂志東海之上即令先生高春秋為國黃髮為  
士大夫羽儀豈不休哉而造物者又且奪先生太  
矣嗟乎先生鬼神且忌之矧人哉余懼先生不瞑  
日九原也雖然余為先生稱莊生先生倘有味乎



余言即先生位列王侯身都將相而春秋登百年以死即先生一命不沾老東海布衣以死總之死耳而先生今日成進士為王官其所自豎者是以暴於天下即位不極而年壽不得長奚計焉且先生之所不死者固不在成進士為王官而壽不壽又何以云也彼顏回愿憲不死乎先生達者目奚不瞑九原也某等嘗與先生有同官之誼追感疇昔為先生潛焉出涕以悲願先生死也無涯而吾生也有涯以有涯哀無涯斯惑之大者也先生有

知不胡廬地下邪於是相與遣一介行李采大江之蘋遙薦先生東海先生之靈寔臨之

祭范夫人文二首

代作

生人厚薄百爾不齊摠之盡耳厚薄與生薄而厚不厚不薄百爾不齊亦摠之盡耳世有生不食其福而死不登乎大年則詹詹炎炎惟命之尤其或富貴壽考榮名厚取諸造物如是而死可以無憾而世之吊之者乃猶逆探其侈心而絕情忿哀憐之不已為造物者不亦難乎亦舛矣夫人



出自名族來相司馬公五十年司馬公為國大臣  
歸老田間多子孫又多賢也是司馬公之富貴壽  
考亦夫人之壽考也司馬公填撫夷夏名滿宇內  
是司馬公之榮名亦夫人之榮名也夫人之取諸  
造物厚矣所可憾者壽不滿百然世固有滿百死  
者而富貴榮名又或遠出夫人下其不以彼易此  
明矣夫人可無憾九原而見女子之情所悄悄哀  
憐於夫人者終不能已也何故哉冬月諸子舉襄  
事聊采蘋藻敬薦夫人夫人有知其以余言為然  
與不與

名媛毓德中閨之良湘靈寶瑟南國明璫雜佩蘭  
蕙陸離生光來相夫君周妙齊姜化洽王睢配美  
河魴薦蘋宗祐奉時蒸嘗鷄鳴待旦刺綉流黃琴  
瑟在御和樂且康相從夫君經營四方煌煌夫君  
兼資文武晉貳夏官秉鉞於楚大江以西萬姓安  
堵慶流皇輿名在軍府天子于襄維公之庸有  
美夫人實相我公實相我公鼎鐘是勤功成掉臂  
歸老雙白芝草琳琅塔庭奕奕含飴美孫以未朝



夕胡奪以去歛返冥極先我黃髮哀此後昆月入  
總維露下高旻明星猶爛吊客在門嗟靈不滅輝  
暎千春駕螭導旌行空凌雲訪西王母登彼崑崙  
再遊南嶽見魏夫人於乎黃河東注白日西傾何  
形弗斂何草弗零萬物擾与誰者長生今也夫人  
化亦何驚言采澗香言薦爾靈向夫人而陳辭寫  
我心之怍怍

祭沈太夫人文

代作

嗟乎人者形也何形弗斂矣生者寄也何寄弗歸

矣物有大年有小年然未有不盡者也其大年也  
不取其為小年及其盡也亦小年也其小年也不  
知其有大年及其盡也亦大年也故古今旦莫也  
旦莫亦古今也萬期須臾也須臾亦萬期也鴻焄  
以前吾不得而知之鴻焄以後吾亦不得而知之  
大塊之中百千萬紀之銷沉寐莫其間者何可勝  
道市朝也而陵谷矣宮室也而立墟矣王公大人  
輿臺胥隸編戶齊民也而異物矣曾不能一瞬也  
嗟嗟形之不足恃也人獨柰何乎而以自託也竊



聞之在固有不盡而盡盡而不盡者人之所自託者庶幾是乎萬形擾擾吾今一形於中而氓焉無聞吾且為螻蟻吾且為薜菌是不盡而盡者也操靈修之術而立於不朽之林令形亡而神在身沒而名存且與日月同驚而天壤共救焉者是盡而不盡者也夫陰陽回薄大運遞遷我思古人無一存者矣而存者歟聖賢之名是聖賢未嘗盡也人之所自託焉者庶幾是乎吾郡沈太夫人之妣也人皆謂太夫人未可以死夫未可以死是死之也然人知太夫人之妣而不知太夫人之不妣也太夫人者今封君沈慕閒先生之夫人而有吾太史之母也太夫人之嬪沈先生賢婦也而其母太史賢母也方諸子幼而沈先生家不造則日勤拮据之力以潔蘋藻侑酒漿上事宗廟而下相夫子內收卹其家人而外以奉其賓客身所當相以內事無不得當所與人無不得其歡心者斯不亦為賢婦乎少讀書知大義窮日恒以女工佐諸子讀書時時口授書彖而又多作訓辭訓諸子率多名言



即操觚之士不過也斯不亦為賢母乎為婦賢為  
母又賢有令名矣是不朽之烈也今太史曠代之  
才也文妙天下而行高於古人天下知太史賢莫  
不知太史之有賢母將名載彤管且與古敬姜之  
流馳聲於萬代故人知太夫人之姪而不知太夫  
人之不姪也某等忝太史同年之誼為昆弟則事  
太夫人有母道焉今太夫人一旦捐館舍則無涯  
之感獨諸子也與哉乃為太夫人稱不朽而不及  
沉痛悲傷之語蓋為太夫人言之非某等之所以  
事太夫人者也於是同聲而盡一哭不自知其涕  
之無從也太夫人有知亮無取於是矣

祭比部朱先生文

吁嗟乎傷哉先生之無祿即世也事有不可詰者  
世人往往舉而歸之天謂茫昧宵冥回薄推蕩偶  
與之遭誠不得其說耳竊謂人事無論矣即天道  
何為者先生文收四海之聲而位不登台司才抱  
皇王之畧而官不過即署心營六合之觀而壽不  
滿五十其連蹇而不得志也孰扼之其榮名一瞬



而輒告逝也孰促之方其激昂青雲也孰亨其運  
曾未幾而畢命黃壚也孰為之災謂景星鳳皇世  
不恒見見且不得而久先生固所謂不得而久者  
也則世亦有久者矣謂寄寶於人取不越宿先生  
者固造物所亟取也則世亦有不亟取者矣是又  
惡可知耶余覩先生儻寡寥廓睥睨大塊之間行  
垢氣萬物而之乎玄冥即垢氣萬物而之乎玄冥  
身不身處人群神遊八極以市朝為隱以官為寄  
以天地為廬廬以光陰為過客若東方生避世金  
馬馬不可而頤溘焉長終也朝露晞於白日散蘭  
敗於秋風霜蹄蹶於中路婚嫁未畢何遽為五嶽  
之遊功業未竟何輒謝人間之事吁嗟乎傷哉天  
胡畀之才胡斲之年胡發之遲而奪之速是又惡  
可知邪某等不佞辱次公太史先生壺收卹之門  
下則事先生固通家丈人也今若爾庸得不潛然  
出涕以悲吁嗟乎傷哉先生會稽人卒於京師會  
稽去京師數千里而遙經黃河大陸固遠人所嘗  
行遊也某等願先生魂氣無北而東東且返棗梓



依立墓即不幸蚤世其所千百禩不漸滅者固有  
在焉某等又願先生無戚於此然先生非有戚者  
也薄陳絮酒敬吊先生願瞻英爽若愴况至矣

祭方夫人文 代作

嗟嗟夫人毓德純明共孝莊肅聞闕典刑出自華  
胃來相太宰董正百官以均四海於鑠太宰維國  
之楨靈承於帝泰階是平式克內助亦曰夫人寔  
昌寔繁光哉後昆三台中圻國喪黃髮夫人繼之  
溘尔神滅遠近恸哭亦孔之傷白日西馳倏忽四

霜嗚呼何流弗東何晝弗立壠相望賢愚共謝  
第觀古人今誰在者乃夫人則亦奚憾矣人或終  
身荆布而夫人命極一品冠誥榮封人或糟糠不  
厭而夫人肉食五鼎椽椽修萬鍾並有春華易零朱  
顏委棄而夫人則松栢女貞凌寒弗瘁世有中道  
移天黃鵠興悲而夫人則齊壽偕老白首同歸身  
食其福者或艱其後而夫人和丸教子含飴弄孫  
蘭茁芝秀玉立溫溫粉黛芳澤或乏脩名而夫人  
之德配美周姜名在彤管千載流芳嗚呼乃夫人



則亦奚憾矣惟以典刑淪喪訖訓諸婦寶瑟沉湘  
明珠絕浦言念弱息淚下不收翩翩素車返於蒿  
丘墓未宿草原有新楸維靈神明弗掩土塚南陔  
崑崙東遊蓬萊林漿桂酒靈兮歸來

祭同年伍進士文

嗟天乎何死我伍君也君脩身砥行四十年而得  
一第夫脩身砥行四十年而得一第君亦良苦方  
且營營乎眎四海為萬世規政自今日始尔而輒  
奪之也謂君何君第第矣死者何也死矣第何也

譬之千將之新拔於劔而輒摧之鋒也如大翼之  
甫橋舉於霄漢而輒鉞之羽也如列缺之光一瞬  
而滅也朝乎青雲莫矣黃泉謂君何天乎有意於  
斯人其無意於斯人其有意於斯人也即令頡頏  
垂資建非常而崇閔諫奚不可其無意於斯人也  
即勿嘗以一第而令得終彼首丘斯亦已矣奈何  
從大江以西走數千里而北取一第曾未幾而溘  
死都下為遊魂余安得呼巫陽而招之又令其家  
之人悲歡錯行慶吊相仍以一第之故而重骨肉



由孝集 卷之三十一  
之感則何說也昔人忼慨沉痛興嗟於幽冥至譬  
天地以不仁方造化為小兒坐此矣夫人之無良  
即天之降罰宜慙今觀於伍君故長者歆靡沉默  
又聞其居家多大節則居然好修之夫也奈何令  
好修之夫至此哉君有同袍三百人死可贖也人  
百其身人百其身即吾三百人疇無是心豈惟吾  
三百人即天下可知也余等咸壯士故嘗恥為兒  
女子涕洟今也至此夫安得不為君泣數行下雖  
然余為君稱達者之言君死且奚悲夫萬期亦須  
吏也何必四十年乎即百年亦盡也光陰逆旅也  
何必都下為客乎即棄梓亦客也浮生大夢也何  
必死死乎即生亦寄也天地亦幻泡也何有一第  
乎即王侯將相皆無有也君第觀彼都人士後君  
數十年而死者雖遲速稍異都盡亦其能後天地  
而彫三光者何有其彪炳宇內稱不朽者又幾何  
人若然則君奚以悲余等又安得為君悲也

祭史夫人文

嗚呼夫人共孝溫溫西池佐鎮南嶽維尊下遊人



在配軋體坤二儀間氣今教立極雖雖朱絃既絳  
且適大人揚休天贊明德煌煌夫子玉璫黃流列  
星佐帝崧高翼周名簡當宁風馳九州奉命 帝  
鄉視憲南土 帝曰試哉問民疾苦直指觀風衣  
繡持斧夫人治內朝夕欽欽若和五味若諧八音  
胡竟仙逝迅彼列缺霞光孤暎凌空奔月玉琴收  
聲鳳簫吹折宛轉興歌悲乎淒冽嗟嗟不有泚媛  
壽相愆人清霜夏零凍雨洗塵歸來歸來返彼天  
真返彼天真哀此士民載陳旨酒載薦香蘋涼風

肅肅素車磷磷

祭魯母表太宜人 文代作

嗚呼宜人靜一端莊齊美王睢仁治姪姜相彼君  
子明德斯煌鳳皇于飛和鳴鏘鏘乃生兩賢峩峩  
時英雙珠照乘白辟連城神颺並舉驅轂揚旌彼  
鳳者雛頤而白哲橫驚四海萬里瞬息造物忌完  
事有不測 抗青雲一摧其翼嗟嗟宜人哀情孔  
多沉痛過傷遂抱沉疴次君色養朝夕惟勤衣不  
解帶願代以身帝命延紀遂及食新於穆次君為



瓊為玫位佐秩宗聲華懸斗朝咨取理一麾出守  
余叨同事喜得老成抚治大郡倚以長城諸所剗  
割綜核維精民歌召父吏畏神明方資石畫冠冕  
三吳胡天降割婺女夜徂閭巷乏視哀慟傾都秋  
風何烈慈死蘭枯吳人不天資守告去奔喪而西  
大江橫霧竹馬無色父老縞素余失貞良疇與咨  
諏何嗟宜人悵馬高丘憾詞縮酒寫我煩憂

祭家司馬

嗚呼人亦有言歲在龍蛇貧人災九流混濁二華

連摧天崩地

喪我大雅惡風走石雷霆震瓦揚

烏光妃妖虹如赭有星累累墮於野三歲之中而

哭兩司馬繫兩司馬咸我心知心知已矣弦絕於

斯身非金石當此大悲一哭眼為血再哭髮為絲

仰天不答浮雲四馳已卯二月余病休沐鴻鯉自

東告公奄速旨亂失氣既定廼哭家人憐我病而

蒿目載哭載思思我疇曩疇曩謂公一見拊堂黑

龍感夢巖雷示賞名駒踏空憤驚颯奕矯矯神巫

視于天壤察形以機黜彼皮相昔也失臨荆棘風



波余行坎廛余志婆娑欽崿厯落為人誚訶先生  
曰嘻其如命何青松不改白日可磨世寧有此大  
義哉哉肝膽相照他人則那區區管鮑千載么麼  
余歸自燕歲在丁丑公也掀髯入門握手吾家癡  
疥今解事否一官鷄肋文章救帚努力 王事庶  
其不朽冬月寒風蒼黃沙漠淮中疾永歎故情斯垂  
重詞累械不宣我懷我懷夫君參差日莫天長水  
遠大江橫霧離別幾何而哲人颯去嗟哉乎公鋒  
領嶙峋長髯偉姿僊官上真當其得意為英為雄

揚厲中原鞭駟曹陸一跌不收蝦蟇嘲龍角中秘

第遂駕冥鴻陋彼小夫坐而書空自公之東菴用

以拙懸解外膠高明曠達神動天遊茫洋輟輟浩

歌鼓世斯理超越或擊江雲或酌海月舍光攝生

以正晚節大運告盡八十廼但吁嗟乎泰山豈不

乎滄海豈不枯萬物皆終時移數遷我有何術而

為公延在公也瓊瑰神情濺落形結珪組心眷平

壑功名竹素雲天磅薄生歲九州苑歸五嶽苑也

何恨生亦不惡余忝國士大息靡酬地媿下泉鬱



紆煩憂沉吟自傷華屋山丘言悲東山忍過西州  
中心不捋涕泗交流何以哭公海澗山楸何以吊  
公生傷白茅躬莫致之一官羈勒望而搖菟欲去  
無異原野蒼蒼高城疲笛吁嗟平白日自奔江河  
自汙狂姿傾都哀此人群近淚濕土位空斷雲嗟  
我哭聳公平當聞

祭柴方伯季東文

嗚呼先生阨此大數磊塊之姿忠篤之慮勿憊以  
虛勿靡以窳天錫貞良宜享神祐喆人弗福為善  
者思先生弱冠登朝德茂年青踐更中外龍矯鵠  
停何作弗典何吐弗經智諫谿弩節皦日星洎晉  
方嶽保釐江壖正身率屬明燭潛奸大白不辱物  
莫免焉羔羊之風萬衆是宣生為貴臣布褐蕭然  
逮其脫節益勵清德立功報主罔遺餘力精誠  
乃心頭顱蚤白末路多艱才與命畸直弦曲鈎音  
人所悲往木關陝徭厯嶮巖復構家難怛矣酸辛  
兄終母死木號九旻人並大痛橫集一身天禍方  
烈人言未已轉盼之聞大運已矣嗟乎先生脩行



良至受罰實苛從古善人亦所求多入則固然謂  
天道何伊余小子獲幸于公長安把臂遂出五稟  
余折而西公折而東傷此離析焮如飄風長逝永  
紀我心則惘械辭寫哀哭斷雲空

祭小大司馬

吁嗟先生學闡无始德配上玄出崇竑議處垂要  
言允流冥合五色相宣玉書鴻烈極在泰山得天  
者全用物則弘英靈間氣大嶽攸降殼華濃郁六  
合從風朗照于春生為名臣死為明神死也何哀

哭我私以云我懷眷焉念昔悲從中來嗟余小

子束髮授易挈祭堂皇望氣觀色駒也千里相許

以臆存亡滅沒一相而得命之不猶我戰載北魯

不我沮棄甲復來猶曰我武年幾何逢勞唁良苦

驚是用奮不墜人下我之不墜曰先生故天地寡

寡知己寔難仲耶叔耶淚涕下泉一時氣義千古

永歎精遊金石白日為爽當予失路黯矣心摧先

生所是他人所非盤跚踈躑為他人嗤為他人嗤

先生是羞裊身談藝庶幾無郵努力天路從茲以



往以事先生聊答疇曩歲月云何而公淪喪洪波  
遭遷浮雲惝恍疇昔之夜脩途眇絕夢拜先生天  
為隕雪不謂神靈告我以別歸自萬里倉皇哭公  
塵沙在衣有慘其容華屋山丘先民是恫昔我侍  
燕多士咸在衆言權竒厥化若鬼先生晚出片言  
壓壘手提風雷鞭駟四海士以翁菴丞丞文采今  
也索莫喪我老成桑枯海乾風日凄清山鬼夜泣  
波臣不靈大雅茲絕黃鐘無聲喬木不陰傷哉女  
羅岱宗新摧梁父杰何嗟我髦士涕泗江河揮日  
何益哀傷孔多於乎世有高真專精靡他聖賢度  
班應景登霞古而無苑葵鳩在耶侯王厮隸同為  
沉沙生無不足苑又何嗟沉痛興哀高明所薄仰  
視茫茫魂兮寥廓



由拳集卷之二十一

東海屠隆長卿著

祭神文

祭河神文二首

隆受命於朝來撫茲邑邑東門突臨大河水  
 歲鬻故隄所不侵城者不一武而近思且莫魚龍  
 挾九子而上竊其威命以馮陵我下土我下土之  
 人亦曰惴惴乎罔敢寔居不佞臨河而觀之則亦  
 惟大有恫于予心乃涉潁之二甸是為春王正月



六日不佞則率邑博士諸生及千夫長百夫長及  
邑之父老子弟荷耒鍤而來是與東門之役頽邑  
小而民貧歲苦不登而賦歛日急艱是役矣大憇  
不克奏厥功則敬用不腆邀寵靈於明神維神歲  
與祀典血食茲土維不鄙余小子幸哀憐元元相  
余不逮毋以使者弄其威權以傷余土工土工之  
成則匪曰人力寔維神休民以脫於蕩析之災不  
佞與二三君子庶幾無郵而神亦永永歆歲祀弗  
替明德頽不遠哉其或不念黔首之命朝夕大布

其威力而行其恣睢即民其魚乎神且不血食神  
即弗念予小子其幸幸哀憐元元余小子或無道  
不仁以私利敗其官常余則有罰其幸毋駕禍我  
元元之民誠幸不鄙余小子而重哀憐下民則洪  
河一夕化為大隄惟神力尔耒鍤何為不然歲食  
溪澗之毛以普昭民力載在祀典脩事有虔而漠  
問下民之疾苦將焉用之神之无靈余則弗敬  
尔維神其圖之

頻年來洪水為妖故隄不守天吳之屬得以行其



威靈薄我城垣震驚有衆馬壁不用空桑安婦民  
大恩不克保厥室家降受 命下車父老郊迎語  
我以故長跼請命焉降是用朝夕廩<sub>上</sub>不皇寧居  
躬率万姓負輦鍾而前以天之道鬼神<sub>之</sub>靈敬下  
尺一境內雲集万夫雷動不假鞭箠使其民奏功  
旬日黔首不怨豈惟不怨道路載驢則<sub>亦</sub>惟明神  
鑒我款<sub>上</sub>陰隲下民神休大哉隆敬率諸執事荐  
介蘋藻用申報祀以章明代今 陛下仁聖閔念  
萬方隆<sub>亦</sub>日有兢<sub>上</sub>務澡行修事無黷貨無淫刑  
計安元元至切也神之聽之其幸無以大水傷我  
土功莫我民居予或有黷貨有淫刑予是用罰其  
無以我民民之莫安神則血食民之流離<sub>神</sub>則不  
血食<sub>靈</sub>爽肅肅聞予此言

一告城隍文

隆猥以疎庸謬司民社自抵任未雖頗知<sub>其</sub>惟  
守官箴第吏事未閒<sub>在</sub>情多闇奉職无<sub>狀</sub>重<sub>再</sub>  
方民瘼罔聞恩澤不究以致下積罪戾上于天和  
官之不德明神是譴降割下民始以兩雹傷我麥



苗今復允賜妨我稽事三農失望萬姓嗷上隆  
不職之所致也竄不虛作罪將安逃隆雖竄在荒  
鄙尚無以謝万姓之用蚤疲皇恩不遑寧居敬率  
邑人頓首謝過為下民請命隆昔嘗有云官之不  
德余則有罰其幸無以我民明神凜焉在上敢忘  
此言神若許隆洗心滌慮與以自新哀怜元元而  
辱收之幸即賜時雨蘇我豆菽乃亦有秋下民万  
幸隆有罪戾余自當之敬竢下風不任悚息

再告城隍文

隆聞天人涉於氣類感應疾於桴鼓匹夫匹婦一  
念精誠往往感天地動鬼神故庶女召風烈士殞  
霜大憤觸虹驚寃積旱洛陽澍霖廣微應禱往牒  
所載信而有徵維感應之理自古有之隆竊滋思  
隆本疎庸 天子不以隆不肖令得承乏茲土下  
車以來恒恐得罪士民有負 主上朝夕悚惕若  
履春冰奈文墨豎儒初出涉世民情土俗多所未  
諳乖謬顛錯深思不敏至於洗心禋身砥厉方切  
營私滅公秋毫不敢庶幾少逭罪尤上不負 天



子下不媿交遊無敗身名無辱九族乃若升沉顯  
晦彼有主者寧敢與知此實隆之所用朝夕廩  
者也乃竟以寡昧得過神明皇天降割及我下民  
曩大雨雹加之虫蝕為災傷我麥苗蠹介小臣睹  
形思咎剪焉震思捭机心竟不意入夏來復遭恒  
暘赤地百里將使麥秋旣損於災傷禾稼復稿於  
旱暵萬姓嗷嗷莫必其命民則何罪厥咎維官雖  
赤日露暴席藁自焚不足以逭用是齋戒自新敬  
率同官及邑父老子弟頓首請罪編告羣紳奈何

盛賜轉亢天心未回俯仰高廣無所控訴衆視憂  
皇不知所出乃反復自度捫心思過隆生三十六  
年於茲矣自為諸生家主貪賤家拓落而亡狀踈  
宕而不合物情行已多讐瑕瑜莫掩然自知美  
惡上萬念皆真維多冒其事之所非而甚不好行  
其心之所不忍以故從有知識以來未嘗敢對人  
出一媿語妒一恒物殺一生虫內不欺其妻子外  
不欺其友朋兩儀布列百神森羅隆恩殞越言敢  
誰欺乎今茲蒞官自恨夙不閑於吏務吏治多缺



民不蒙休然何敢營私黷貨以干三尺而敗官守  
哉而災旱終沓怨咎相仍私中不孚祈禱罔應此  
隆之所以栗栗憂愍又竊耻之者也既而展轉深  
維天道冥遠神理茫昧忠信不諒從古且然顧隆  
何人平生非有魯史之行龍比之心一念云何而  
遂長留感應即幸而得雨猶為僥倖不幸而不雨  
乃其固常既又思之先朝李慶陽有云父母不棄  
改過之子天地亦鑒洗心之物隆雖不肖行負神  
明然居官猶知自守不私一錢祈禱猶知至誠不  
御酒肉世固有貪殘者祈雨禁屠宰齊戒而私食  
肉飲酒者而往往得雨何哉夫居官知守祈禱知  
誠而不得雨居官貪殘者祈而禁屠宰齊戒而私  
食肉飲酒者而願得雨此何以勸焉若天地百神  
澆不問下土之情譬之蚊蚋起滅去來無心雨即  
雨不雨即不雨是皆係造化然爾舉感應之理而卒  
歸之冥遠茫昧此又何以勸焉夫以隆之疎庸寧  
敢自謂寘過哉疇昔之告於明神者儼焉在耳官  
之不德余則有罰其無以我民其剪而賜之遐荒



其抑而沉之下僚褫其祿位而降之疾肯隆不敢  
悔其幸無以我民我賴民之困救極矣下邑非有  
燕齊秦楚吳越閩廣山川土田通都大邑沃壤上  
腴舟車水陸嘗賈魚鹽珠玉純綺之饒草屋泥垣  
布衣粝食富者菽麥之外無長物貧者居無宿糧  
朝不謀夕而又日困於征輸苦於敲扑其民一逋  
言租輒賣田產鬻妻子蓋十室而七八焉亦可哀  
矣奈何復令遭此荒旱為隆嘗抱衾痛之辭為下  
民請命監司監司為不聞也者今為請命明神而  
明神又不聞令隆踟躕迷塗倉皇安之猥茲下情  
寸私蘊結是以忘其固陋披心陳詞非敢煩虛文  
以欺人飾遊詞以瀆神聽也伏乞少寬譴怒哀憐  
下民大降時雨蘓我禾稼保我室家干冒明威豈  
勝戰汗

三告城隍文

隆之待命於神至矣今日之事隆之所能者竭誠  
殫慮洗心澡行不憚勤苦如是而已他何能為下  
邑邑小而貧今復加之災傷翦焉告困神所知也



隆今之一官以為極犴養性之具罔敢厚而厚之  
任重之憂形神勞瘁計穹力竭又神所知也日儼  
詞凱切効其款款之誠而神不應無可奈何日疲  
私念從入官以來行事罪狀以頓首謝過而神不  
應又無可奈何日暴中庭從朝至暮委頓幾絕  
而神又不應此何為哉維神受命於帝為城隍隆  
受命於帝為宰牧即地方之責神安得晏然神即  
不為隆獨不念及黔首哉今夫廝養牧豎秉一念  
精誠禱祀於神神必當應之宇宙高廣何所不容

神矣英靈何所不答固無棄物也隆雖不肖才疎

行劣猶以薄稅成進士齒於縉紳 天子賜之印

綬俾司民牧今之職任固主上命也豈以 天子

命為宰牧儼然臨於士民之上而神以為鄙末不

足與應答魯不得比於廝養牧豎之流當不然矣

且隆雖不肖初入仕版即知廩上 祗思行事罪狀

雖或有瞽不自知然自下車來未嘗敢一置身於

貪殘私一錢乎戕一物乎懷私滅公乎以閔節廢

三尺乎有之則維神所殛矣又蚤夜皇皇問民所



由孝集 卷之十一  
疾苦起雪冤枉拯救苦難折獄之事小大以情從  
孔子節愛之語受釋氏慈悲之教蓋無日無之由  
此言之隆雖不敢自列於循良而於不才有司中  
猶未為太甚也平日自謂亦無大得過士民今茲  
良苦万姓無不心怜余涕泣相向而神以為必不  
足與應答當不然矣坐視哀苦漫不省憂何為哉  
藉使天禍賴上吾民當灾而神不得請於上帝或  
臣罪當誅以為貪殘之戒不得不降灾茲土則士  
民之愚誠亦至矣其官是咎其民何罪神亦宜告  
我以故用一表見灵爽以示不忘我民而神不失  
職諸所譴罪臣請受而甘心焉奈何收視絕響疾  
呼不聞宵冥寐滅僅同稿木灵安之乎何以神茲  
土為也又何以歲血食也而令隆與士民就稿木  
而乞灵即碎首焚身何益哉激切再陳神其圖之  
隆謹悚息聽命

祭城隍謝雨文

嗚呼維神蒼蒿灵爽何灼灼也當不穀隆竭誠禱  
神二日不雨則暴赤日中越二日又不雨為文告



於神者三千冒威靈罪過大矣神鑒我無他為下  
民請命私憂激乃深中不以為罪而與之荅應如  
響方暴中連日落乃已即夕玄雲四合詰朝而雨  
二之日又雨三之日乃大雨竟夕土膏滋潤溝塍  
水深數尺稿蘓仆起原田油油遠近奔走婦子驩  
呼神之惠我下民即起白骨而肉之也抑此神休  
有四焉吹万布德含生懷潤仁愛洽矣谷神響荅  
應時澍雨靈貺肅矣不鄙夷小子不罪激切之言  
覆茹弘矣神理孔章毫髮不爽令儂詐知惡善良  
益勸銷折姦萌佑翼新媿教植廣矣豈惟下民即  
不穀隆於此乃益有以信天人感應之理冥冥之  
中何幽不燭何細不察何私不聞何物不荅捧彼  
大明灼我遐遠媿媿惡上疇能逃者不穀隆竊滋  
憇矣而省愆砥行寧敢怠時故余於此一事而知  
神体之大也敬陳不腆率官吏諸生及邑父老子  
弟頓首報謝伏惟明神財荅

祭張龍王文

維神乘雲躡空呼吸陰陽吐納靈潮鼓鑄万品德



莫玄馬功莫鉅焉始自李唐迄我皇朝昭明一日也戊寅之歲上大旱隆齋宿敬禱於神神不以隆為菲薄聿惠碩元元之民降以甘雨上乃時四郊霑足萬姓欣藉神休大哉隆又敬用不腆借邑博士若文孝諸生若干夫長百夫長若父老子弟頓首祠下用陳謝悰神姦在乎風肅上未矣始與神約重修庙宇隆當躬率邑人伐木輦土而來不敢卒負

祭武安王謝雨文

維王耿亮正直忠憤激烈生為人傑死為天神感槩万夫磊落千古形亡神在歷代揚靈至於天朝尤為顯灼赤縣神州蠻荒絕域貴而王公賤而莽卒上及賢豪詰人下及匹夫匹婦罔不望王之靈蒲伏祠下大江以南長淮以北徐泗芒碭之間乃王經營故地英靈蓋尤顯焉父老往也談王使人爨立夫豈獨以其驍雄神武稱万人敵哉其大者辨順逆於勛勅明漢賊於血戰識真主於草澤周旋多難九死不回義指泰山心同皦日苟息有言



竭股肱之力繼之以忠貞不濟則以死繼之維王  
有焉千載而下所以折奸雄之氣激壯士之肝此  
其大都烈上者歲在戊寅潁上大旱隆則大惧怒  
焉疚心敬率有衆虎拜稽顙禱於王祠維王靈爽  
肅上德音孔昭哀此下民應時乃雨回我枯槁起  
我僵仆是王有大造於潁人也下邑之人敢忘神  
貺隆又敬率有衆殺牲陳詞用申昭報王其鑒之  
如響其與士民奈何敢不敬廿一卷

終



